



Universitätsbibliothek Paderborn

Dissertationes De Actibus Humanis

Karchne, Simon

Augustæ Vindelicorum & Græcensis, 1716

§. V. An contractus jure naturali, aut positivo ex gravi metu justo, aut
injusto initi sint irriti, aut irritandi?

urn:nbn:de:hbz:466:1-39981

S. V.

An contradus jure naturali, aut positivo ex gravi metu justo, aut injusto initi sint irriti, aut irritandi?

320. **D**ixi ex metu gravi, quia levius etiam injustus *num. 299.* definitus cum sit vanus, ac imprudens, nullo jure irritat, nec praebet actionem in foro externo, nec in foro conscientiae rescindibiles facit, sive contractus sint onerosi, id est, utrumque onus imponentes ut emptio, venditio, elocatio &c. sive sint lucrativi, seu tales, in quibus nihil viciissim rependitur, uti sunt promissio, donatio, testamentum, legatum, commodatum precarium &c. in quibus nullus est alius titulus dominium transferendi praeter voluntatem liberalem, & gratuitam.

Ratio omnium est, quod sit in potestate operantis ex metu non huic acquiescere, sed illum facilè repellere, ac contemnere sine contractus celebratione, unde cum irritatio contractus cedat in damnum grave Reipublicæ, siquidem plurimi contractibus facile intervenit levius metus injustus, plurimi ad instantiam patientis metum deberent rescindi propter malum leve alio modo facilè evitabile, quod dici non potest; rescissio enim non est medium necessarium, ita docui in *Dissertationibus de Jure* *nn. 253.* contra Sanch. *lib. 4. de Matr. D. 9.* *num. 4.* Pal. *p. 1. tract. 2. D. 1. p. 12.* *nn. 2. &c.* Obligantes in foro con-

scientiae ad restituenda sic accepta; Eandem opinionem defendunt quotquot Sanch. *D. 17. num. 2.* afferunt matrimonium ex levi metu injusto initum esse ipso jure nullum, quorum sententiam Sanch. *num. 4.* existimat probabilem, nam levis metus injustus laedit libertatem, ergo sicut gravis injustus metus irritat, ita irritat levis. Idem est de Professione Religiosa.

De aliis contractibus dat Rationem Pal. quod cogens inferat injustitiam, sed hanc inferens obligatur eam tollere, in quantum potest restituere patientem in pristinum statum libertatis, vi cuius libere possit probare, aut reprobare contractum.

Contra est, quod falsum sit laedi libertatem, consequenter nec pati invitè injuriam, cum possit, si velit contemnere metum non contrahendo, ergo si non contrahit libere consentire presumitur.

Quapropter sequitur nullum contractum etiam matrimoniale, professionem, sponsalia, testamentum legatum &c. factum etiam à subdito, uxore, filio ex metu leve etiam reverentiali, importunisè precibus esse irrita, unde sequitur contractus nondum adimpletos esse adimplendos in conscientia contra adversarios deobligantes cum Sanch. *D. 9.* *nn. 2. &c.*

à num. 13. Pal. à num. 3. ubi uxori metu reverentiali inducta ad fide jubendum liberatur à solutione, et si fidei iusitio esset solennis; uti nec si promiserit se soluturam debita mariti morientis &c.

321. Dico 1. Nullus contractus sive sit naturâ suâ irrefractibilis, ut matrimonium & professio Religiosa, sive re-scindibilis, (uti sunt cœteri contractus) initus ex metu gravi incusso ab intrinseco, aut justè incusso ab extrinseco est irritus, nec ex refuscibilibus obnoxius refuscione, ita communis apud Lug. *de Just. D. 22.* à num. 156. Sanch. *D. 13. num. 3.* contra varios, & quidem plures eorum contrariantur quoad matrimonium, & Professionem: alii admittunt valorem de metu incusso à lege, secùs de incusso ab homine: multi Jurisperiti non agnoscunt apud lugo valere contractus refuscibilis celebratos ex justo metu incusso ab extrinseco, secùs si causetur à metu ab intrinseco. Contra hos omnes probatur conclusio; quod ubi nulla intervenit injustitia, ibi actus celebratus nulla lege est invalidus, aut invalidabilis, sed in contractibus celebratis ex metu ab intrinseco aut extrinseco justo, sive à lege, sive ab homine incusso nulla intervenit injustitia, ergo contractus celebrati ex tali metu nulla lege sunt invalidi, aut invalidabiles. Major videretur per se clara, eaque desumitur ex *L. si mulier 21 ff. de eo quod metus causa*, ubi donatio facta ex justo servitutis metu à liberta sustinetur, ut valida. Minor etiam est aperta; homo enim propriâ libertate eligit contractum ad effugiendum malum futurum citra injuriam ab ullo illatam.

322. Ex hac conclusione sequitur 1.

nolentem implere valida sponsalia cogi posse metu gravi ad contrahendum matrimonium, nisi subsit causa justa resiliendi, quia et si sit ab extrinseco est tamen justus.

Sequitur 2. Ex eadem causa defloratorem virginis à Judice Ecclesiastico compelli posse metu justo ad ducendam defloratam, aut à parentibus minantibus defloratori accusationem, nisi filiam duxerit; tale enim matrimonium assumptum ut medium impediendi accusationem est validum, minimè autem valeret, si mortem illi minarentur, quia minæ mortis sunt injunctæ, consequenter matrimonium tale esset jure saltem positivo irritum, ut potè ortum ex metu injusto incusso ad extorquendum matrimonium, Sanch. *D. 9. num. 9.*

Sequitur 3. Justè accipi posse pecuniam à fure extortam minando accusationem, nisi redemerit accusationem, quia potest justè accusari, ergo accipitur justo titulo Gobat *Theolog. Experiment. tract. 10. num. 180.*

Amplia sequelam, et si non habuerit animum accusandi, ita Pal. p. 10. num. 5. ac alii contra Lug. num. 67. Mol. *de Just. D. 514.* Haunold. quorum fundamentum non est metus ut potè justus, sed dolus situs in ficto animo accusandi. Verum hoc fundamentum invertitur; omnino: simulata hæc accusatio nis minitatio continet dolum, sed non injuriosum, quia malum intentatum jure inferri potuit, processione hujus Juris, non solum, nè accusetur, sed ut nec accusari possit, pretium datur; tale autem est justum, cum minans se privet jure accu-

accusandi pretio æstimabili; Sanch. D. 9. num. 9.

323. Sequitur 4. Valitum matrimonium condemnati ad mortem, cui offertur libertas, si duxerit filiam occisi, aut meretricem Judicis, quia matrimonii extorsio non est metus, sed offertur matrimonium, ut medium purgandi metum, qui jam per delictum est incusus, quæ ratio probat etiam de matrimonio contracto ab eo, qui injuste caperetur, & condemnaretur, Pal. p. 11. citans Sanch. Valent. &c.

Item valeret contractum ab aliquo cum filia Medici nolentis cum ægrotantem curare, nisi accipiat filiam, Medicus enim non incutit sed morbus metum mortis, & in premium poscit matrimonium, quale premium esto sit excessivum, non tamen invalidat matrimonium cum absit omnis error, & dolus in contractu substantia, Sanch. D. 12. num. 15. nisi medicus sit obligatus ex Justitia, aut Charitate mederi pretio communiter taxato, quia tunc negans operm suam injuste metum mortis angere ad extorquendum matrimonium, & ideo hoc fore nullum juxta dicenda, Perez de Matr. D. 17. S. 9 n. 11.

An matrimonium, ad quod judex Ecclesiasticus justè secundum allegata, & probata compellit, ut si post sponsalia cogatur sponsus ducere sponsam, quam scit fornicatam, sit validum, est controversum; Affirmat Sanch. D. 13. n. 8. quia condemnatio est juridica, ac justa; sed hoc ipso est incredibile ejusmodi matrimonium annullari à SS. Canonibus de hoc casu tacentibus. Negat Pal. num. 3. contendens, quod ad contra-

cūs irritationem non sit attendendum, sitne justa, ac licita coactio ex parte Judicis, sed potius ex parte patientis coactiōnem, ut pluribus ibi firmat. Affirmativa subscripti in tract. Canonist. num. 162. Vers. Quid si &c. hic addo negativam esse etiam probabilem.

324. Dices. Pro nullitate matrimonii & Professionis factæ ex metu gravi justè incusso ex Sanch. D. 13. clarè, eruditè, ac optimè exponente tres de matrimonio sic inito sententias insinuatas nn. 321.

Prima stat simpliciter pro nullitate, quia non minus metus justus adimit libertatem quam injustus, sed ob defectum libertatis est matrimonium nullum initum ex metu injusto, ergo etiam initum ex metu justo. Secundò, in C. venient el. 2. de Sponsal. matrimonium ab adolescenti reperto à parentibus in lecto cum puella, ac coacto ab iisdem ad eam descendam censetur nullum, cum tamen coactio videatur fuisse justa.

Secunda sententia distinquit consentiendo priori, quando lex non obligat ad matrimonium aut ad professionem; Probatur, si deprehensum in delicto, ne accuses extorqueas ab illo premium excdens ultra dimidium, facis illi injustitiam, tenerisque vel contractum rescindere, aut ad æqualitatem reducere, Less. lib. 2. cap. 17. num. 45. ergo etiam matrimonium extorquens ob cessionem juris justè accusandi, injustè extorquet, siquidem matrimonium non solum dimidio, sed quasi infinitè excedit cessionem juris accusandi, ergo id exigens est injustus metumque incutit injustum, atque adeò matrimonium est irritum, cum semel va-

lidè

lidle contractum nequeat rescindī, uti nec professio, secūs alii contractus.

Eadem sententia secunda recedit à prima, quando lex ipsa incutit metum ex fine extorquendi matrimonium e. g. violāsti puellam seductam, juxta fūlē dicta *in tract. Canonis. à num. 52. teneris* eam ducere, aut dotare per *cap. I. & 2. de adult.* quin sit irritum matrimonium, quia lex ad id cogit, estque hæc coactio justa, ejusqne causam liberè præbuit delinquens.

Si dicas salvari libertatem, quia non cogitur copulativè ad ducendam & do-tandam, sed alternativè, copulativa enim particula *Et in cit. cap. I. à Canonis.* passim sumitur pro disjunctiva, vel.

Contra hoc bene arguit Sanch. quod possit accidere, aliquem, si nolit ducere deforamat, cogi ad potiorem bonorum partem pro dote dandam; hoc casu metus gravis cadens in virum constantem, ut evadatur determinatè impellet ad matrimonium, quin valor hujus reprobetur.

325. Resp. Ambas sententias esse probabiles, Sanch. *num. 1. & 2.* Pal. *num. 2. & 3.* at probabiliorē nostram simpliciter stantem pro valore juxta *num.* 321. quia metus accusationis ortum habens ex proprio delicto, nequit facere esse coactum matrimonium, quia coactio radicatur in tuo delicto, consequenter in propria voluntate.

Ad argumentum 1. Primæ sententiae Resp. Quando est irritum matrimonium metu injusto extortum non est tam irritum ob defectum plena libertatis, quam ob injuriam, seu quiaplenam libertatem injuriosè admittit Sanch. *D. 13. n. 9.*

ad 4. Ad 2. Dico censeri nullum ob metū cadentem in virum constantem, qualis cum esse nequeat metus mali, quod delinquens sibi infert, sequitur parentes fuisse minatos illi injustè aliquod malum grave, licet in *C. cit.* non fiat mentio, cuius mali fuerit cominatio.

Ad argumentum secundæ sententiae quatenus consentit primæ (quantum vero recedit à prima sentit nobiscum, & ideo non est necesse respondere) Resp. Nullum obligari posse absolute, quam à se ipso ad matrimonium, aut ad profitendum, posse tamen obligari ad alterutrum sub Conditione e. g. si petat à me, ut cedam juri, quod habeo adversus illum, possim processione petere matrimonium aut professionem, hoc casu ego non cogo illum, sed ipse eligit, si vult obtainere cessionem juris; dum pro hac exigo matrimonium, aut professionem, fateor me exigere pretium excessivum, sed læsio hæc non est circa substantiam matrimonii &c. cum nec sit error in persona, nec in conditione servili. E contra in cæteris contractibus læsio in pretio spectat ad substantiam, & ideo debet fieri, vel rescissio illorum, aut reducō ad æqualitatem. Quare negandum est, quod extorsio matrimonii, esto illud cætenu sit læsio patientis metum, quatenus est medium excedens cessionem juris, esset injusta substantialiter, quia non absolute, sed conditionatè extorquetur, uti est dictum, ita Pal. *n. 4.*

326. Pro dictorum claritate majo-re nota Primo, metum, qui alios contractus rescindit, annullare matrimonium Sanch. *D. 6. num. 2.* Unde cum metus justè incusus cæteros contractus

non

non rescindat Sanch. D. 8. num. 8 & 9. nec annullat matrimonium, Sanch. D. 13. n. 3. ante medium.

Notā 2. Quoties incutitur metus, quam incutiens iustè inferre potest ob delictum, metus talis oritur potius, ex lege, & natura delicti, proinde ab intrinseco, quam ab extrinseco, quia intra ipsum patientem est justa causa, ac radix metuendi Sanch. num: 3. in princip. & idēo num. 9. ad 3. rectè negat, quod ob delictum duntaxat possit quis minari grave malum, aut accusationem ex fine justitiæ punitivæ, sed etiam ad finem extorquendi matrimonium, quia potius delictum metum incutit, matrimoniumque petitur loco pretii pro cessione juris accusandi, aut alterius gravis mali non inferendi, nullus quidem potest autoritate privatâ cogere ad matrimonium, potest tamen auferre ex justa causa metum petito certo pretio, ac loco hujus petere matrimonium.

Nota 3. Sponsūm, ut impleat

sponsalia, compelli posse moderatè à Jūdice Ecclesiastico sub pena Excommunicationis ad contrahendum matrimonium, metus enim iste jure præcipiente infertur, neque cadit in virum constantem Sanch. num. 6. & lib. 1. D. 29. num. 4. ante autem minas censurarum debet attentare media mitiora, ut primò seriò monere, deinde incarcerare, ac demum uti remedium censurarum, quando spes est animos non esse ita alienatos, ut nequeat sperari paccatum matrimonium, at si pertinacia spem nullam admittat, non est excommunicandus, ad quid enim vulnus sine spe sanitatis, & si excommunicaverit, relaxet excommunicationem ad declinanda scandalū, quæ non tardè ex coacto matrimonio sequi solent, gravissimum malum, quām sit violatio fidei per sponsalia data, Sanch. num. 8. Hanc notationem pluribus deducat legere potes

in tract. Canonist. de Matr.

num. 23.

* *



§. VI.

Continuatur quæstio priore Paragrapho proposita.

327. Ante statuendas Conclusiones præmitto cum Sanch. lib 4. de Matr. D. 8. num 1. quod dum disceptatur, an contractus distincti à matrimonio sint ipso jure irriti, aut irritandi, non esse questionem exigui momenti (esto dum contractus est rescindendus,

fit restituenda res cum fructibus perinde, ac si initio fuisset irritus) quia si contractus est ipso jure irritus e.g. si quis iusto metu gravi motus renunciavit beneficium, renunciatio, si est ipso jure nulla, obligatur Horas recitare, potest ordinari ad tale beneficium, utpote verè suum

Con-